

**Godišnji program rada  
Općinskog suda  
u Mostaru  
za period 2021-2023**

**Mostar, maj/svibanj 2021. godine**

## SADRŽAJ

- A. Uvod
  - 1. Opis nadležnosti suda sa vizijom I izjavom o misiji
  - 2. Sažetak analize strateškog okvira
  - 3. Sažetak prioriteta za planisku godinu, kao I procjena mogućih problema I rizika u realizaciji
  - 4. Analiza unutrašnjeg I vanjskog okruženja u kojem radi sud
- B. Pregled strateških ciljeva suda
- C. Trogodišnji ciljevi I aktivnosti po strateškim ciljevima
- D. Godišnji plan rješavanja sudskih predmeta



## A. UVOD

Zadaci koji se postavljaju u reformi pravosuđa u Bosni i Hercegovini na svim nivoima, pa i nivou općinskih sudova, pokazali su da je nužno sačiniti strateški program rada suda koji će biti sveobuhvatan planski dokument kojim će se utvrditi željeni smjer razvoja Općinskog suda u Mostaru u naredne tri godine i u koji će sadržavati specifične ciljeve i aktivnosti u razvoju suda, sa identificiranim prioritetima, pregledom ljudskih, tehničkih i materijalnih resursa, partnera sa kojim ćemo sarađivati i načinima praćenja ostvarenja provođenja programa i evaluaciju postignutih rezultata.

Kvalitetan dokument ove vrste je osnova za unapređenje efikasnosti suda i kvaliteta rada u ostvarenju zakonske nadležnosti, a sve u cilju ispunjavanja misije suda.

Strateški plan Općinskog suda se donosi za period 2021-2023 godine, a njegova osnova su strateški dokumenti VSTV BiH kao i dokumenti koje je potpisala BiH, Federacija BiH, a sve u okviru nadležnosti i mandata općinskih sudova.

Sudska uprava je svjesna i prepoznala je važnost izrade strateškog programa u okviru kojeg će se izvršiti kvalitetno planiranje razvoja suda kao institucije, utvrditi prioritete kao i specifični ciljevi i aktivnosti za ostvarenje strateškog programa na godišnjem i srednjoročnom periodu, a što će doprinijeti ispunjenju mandata suda imajući u vidu misiji i viziju Općinskog suda u Mostaru. za ispunjenje ovog cilja kao prvi korak Odlukom v.d. predsjednika suda broj 058-0-Su-534/11 od 11. 03. 2021. godine osnovan je Tim za sačinjavanje Strateškog programa Općinskog suda u Mostaru sa ciljem da sagledavajući trenutno stanje u Sudu, a imajući u vidu, mandat, nadležnost i željeni smjer razvoja Općinskog suda u Mostaru, definiše misiju, viziju i Strateški program rada Suda za period 2021-2023 godinu , te u okviru Strateškog programa da se definišu strateški ciljevi za ostvarenje istog, u skladu sa potrebama odjeljenja kao organizacionih jedinica i Suda u cjelini.



## **1. OPIS NADLEŽNOSTI SUDA SA VIZIJOM I IZJAVOM O MISIJI**

### **MANDAT**

Nadležnost Općinskog suda u Mostaru propisana je Zakonom o sudovima u Federaciji BiH („Službene novine Federacije BiH“ broj 38/05, 22/06, 63/10, 7/13 i 52/14).

Općinski sud u Mostaru ima nadležnost iz čl. 27. ,23. i 23. a. Zakona o sudovima u Federaciji BiH na području Grada Mostara da sudi u prvom stepenu u krivičnim, građanskim, prekršajnim, vanparničnim i izvršnim postupcima, određuje mjere osiguranja i pruža pravnu pomoć sudovima u BiH kao i međunarodnu pravnu pomoć ako je propisano zakonom daje vrše općinski sudovi, da sudi u prvostepenim postupcima u privrednim predmetima i postupcima stečaja i likvidacije za područje Hercegovačko-neretvanskog kantona, u prekršajnim predmetima iz oblasti poreza i carina za HNK/Ž, obavlja zemljišnoknjižne poslove za područje Grada Mostara, kao i da postupa u predmetima registra pravnih osoba za područje cijelog Hercegovačko-neretvanskog kantona.

### **MISIJA OPĆINSKOG SUDA U MOSTARU**

Općinski sud u Mostaru u okviru svoje nadležnosti služi javnosti i posvećen je omogućavanju jednakog pristupa pravdi i jednakosti svih građana pred zakonom kroz pravičnost, efikasnost i stručnost u radu.

### **VIZIJA OPĆINSKOG SUDA U MOSTARU**

Općinski sud u Mostaru blagovremeno i efikasno rješava predmete u okviru razumnih rokova, a što je garant zaštite prava građana i vladavine prava.



## 1. SAŽETAK ANALIZE STRATEŠKOG OKVIRA

U okviru reformskih procesa u pravosuđu, pored postojećeg ustavnog i zakonskog okvira i nadležnosti propisanih za općinske sudove u Federaciji BiH, pred Općinski sud u Mostaru se postavljaju mnogi zadaci i obaveze čije ispunjavanje ima važnu i ključnu ulogu u učvršćivanju vladavine prava.

Radi se o važnim razvojnim i strateškim dokumentima, koji sadrže sektorske strategije u BiH i Federaciji BiH, kao i međunarodni sporazumi, kao i ustavni i zakonski okvir rada sudova u Federaciji BiH:

- Ustav BiH
- Ustav Federacije Bosne i Hercegovine
- Zakon o sudovima u Federaciji Bosne i Hercegovine
- Zakon o Visokom sudskom i tužilačkom vijeću BiH
- Strategija reforme sektora pravde u BiH
- Strateški plan VSTV-a
- Analitički izvještaj Evropske komisije
- Agenda 2020-2030-Milenijumski ciljevi
- Strateški plana VSTV BiH za period 2014-2018

Ustavom Bosne i Hercegovine kao i Ustavom Federacije BiH utvrđeno je da Bosna i Hercegovina kao demokratska država funkcioniše na osnovu vladavine prava. Zadatak sudova je da štite prava i slobode zagarantovane Ustavom BiH Federacije BiH i Ustavom Hercegovačko-neretvanskog kantona i zakona, te osiguravaju ustavnost i zakonitost.

Zakonom o sudovima Federacije BiH uređena je organizacija, nadležnost, finansiranje, pravosudna uprava i druga pitanja od značaja za organizaciju i funkcionisanje općinskih sudova, kantonalnih sudova i Vrhovnog suda Federacije BiH.

Zakonom o Visokom sudskom i tužilačkom vijeću BiH isto je ustanovljeno kao nezavisni i samostalni organ koji ima zadatak da osigura nezavisno, nepristrasno i profesionalno pravosuđe.

Strategija za reformu sektora pravde u BiH osigurava strateški okvir za sektor pravosuđa u BiH koji za prioritet ima dalje jačanje i održavanje nezavisnosti, odgovornosti, efikasnosti, profesionalnosti i usklađenosti pravosudnog sistema koji osigurava vladavinu prava.

Strateški plan VSTV BiH 2014-2018 i Strateški plan VSTV daju okvir djelovanja i aktivnosti koje su sudovi dužni poduzimati u svom radu.

Analitički izvještaj Evropske komisije o pitanjima vladavine prava u BiH zasniva se na nalazima provedenih misija na visokom nivou i služi kao sredstvo za postizanje neophodnog i većeg napretka u oblasti vladavine prava sa analizom postignutog stepena razvoja vladavine prava i smjernicama za otklanjanje slabosti i unapređenja vladavine prava.



## **2. Sažetak prioriteta za plansku godinu, kao i procjene mogućih problema i rizika u realizaciji**

Osnovna opredjeljenja Općinskog suda u Mostaru izražavaju se u definisanim strateškim ciljevima koji su definisani na osnovu svih provedenih analiza i predstavljaju ključni element strateškog plana suda.

Stalno strateško pitanje je sačinjavanje realnog, ostvarivog i mjerljivog programa rada suda, imajući u vidu raspoložive resurse i vremenski okvir programa.

Imajući u vidu srednjoročne ciljeve koji su zajednički za sve institucije u oblasti pravosuđa, koji je "Jačanje pravne države, vladavine prava i uspostava sistema borbe protiv korupcije i organizovanog kriminala", te utvrđeni srednjoročni cilj VSTV-a BiH kao "unapređenje odgovornosti, nezavisnosti, efikasnosti i kvaliteta u sektoru pravde u BiH" definisali smo naše strateške ciljeve u period 2021-2023 godine.

Definisanju ciljeva prethodile su provedene analize, te samo definisanje ciljeva predstavlja ključni element strateškog plana suda. Stalno strateško pitanje predstavlja sačinjavanje realnog, ostvarivog i neophodnog programa rada suda.

Srednjoročni ciljevi, programi i projekti iz ovog Srednjoročnog programa Općinskog suda u Mostaru određeni su postavljenim strateškim okvirom. Svjesni svoje uloge u ostvarenju postavljenih strateških ciljeva pred pravosuđe u cjelini, smatramo da je neophodno osigurati koordinaciju i saradnju sa nadležnim institucijama i partnerima u ostvarenju zacrtanih programa i ciljeva.

### **Učesnici i partneri o ovom procesu su:**

- Visoko sudsko i tužilačko vijeće BiH
- USAID
- Kantonalni sud u Mostaru
- Ministarstvo pravosuđa, uprave i lokalne samouprave HNK
- Federalno ministarstvo pravde
- Ministarstvo finansija HNK
- Federalna uprava za geodetske i imovinsko-pravne poslove
- Centar za edukaciju sudija i tužilaca u Federaciji BiH
- Evropska unija, međunarodne organizacije i donatori

Na osnovu analize prethodnog perioda Općinski sud u Mostaru utvrdio je sljedeće strateške ciljeve:

### **1. CILJ Poboljšanje efikasnosti i kvaliteta rada sudskih odjeljenja**

Za realizaciju postavljenog cilja potrebno je poduzeti aktivnosti posebno na parničnom i izvršnom odeljenju, čija realizacija će doprinijeti poboljšanju efikasnosti cijelog suda, a naročito je hitno raditi na smanjenju zaostataka u tzv. komunalnim predmetima.

### **Planirane aktivnosti na postizanju strateškog cilja 1.:**



**1.1. U toku trogodišnjeg perioda 2021-2023 neriješene predmete u parničnim predmetima (oznaka P, Rs i Mal) smanjiti zaostatke za 9% u periodu od tri godine (po 3% na godišnjem nivou), osim u izuzetnim slučajevima gdje postoje objektivni razlozi za neriješavanje pojedinih predmeta**  
**1.2. Na izvršnom referatu smanjiti zaostatke u komunalnim predmetima (I-Kom i Mal-Kom) za 21% u periodu od tri godine (po 7% na godišnjem nivou)**

Radi postizanja gore navedenih aktivnosti potrebno je raditi na aktivnoj primjeni Smjernica za postupanje u parničnom postupku i u izvršnom postupku u sudovima u HNK koje su usvojene kao i redovno održavati sastanke u sklada sa potpisanim Memorandumom sa Kantonalnim sudom u Mostaru

## **2. CILJ: Unapređenje ljudskih i tehničkih kapaciteta suda**

Postizanje planiranih aktivnosti u radu po predmetima je nemoguće ostvariti bez istovremenog unapređenja kadrovskih (ljudskih) i tehničkih kapaciteta suda. U tom smislu je potrebno održati broj nositelja pravosudnih funkcija na optimalnom i postpječem broju, te kod VSTV BiH insistirati na blagovremenim imenovanjima, a za ostale zaposlenike tražiti da se nedostajuća i nova radna mjesta popunjavaju blagovremenim davanjem saglasnosti za prijem i realizacijom procedura prijema. Istovremeno je potrebno aktivno raditi na jačanju tehničkih kapaciteta suda u smislu održavanja postojeće opreme i redovne zamjene dotrajale opreme.

### **Planirane aktivnosti na postizanju strateškog cilja 2.**

#### **2.1. Organizovati adekvatniju obuku NPF-a i zaposlenika suda kako u stručnom, tako i informatičko-tehničkom pogledu**

Za postizanje ove aktivnosti potrebno je intenzivirati saradnju a predstavnicima izvršne vlasti radi što bržeg zapošljavanja službenika i namještenika u skladu sa postojećom sistematizacijom, te uskladiti i/ili proširiti postojeću sistematizaciju u skladu sa realnim potrebama suda, posebno u dijelu prijema još jednog IKT službenika i službenika za informisanje-portparola suda, uz redovnu stručnu i informatičku obuku svih zaposlenika i NPF.

#### **2.2. jačanje kapaciteta u tehnološkom pogledu putem nabavki dodatnih računara i računarske opreme**

## **3. CILJ: Transparentnost u radu suda kroz jačanje percepcije javnosti i promocije uloge i rada suda**

Ovaj cilj je predviđen i u Projektu izgranje efikasnog pravosuđa u službi građana koji provodi VSTV BiH, a realizacija cilja će doprinijeti podizanju povjerenja građana u rad suda i pravosuđa u cjelini.

### **Planirane aktivnosti na postizanju strateškog cilja 3.**



**3.1. Unaprijediti otvorenost i dostupnost informacija javnosti o radu suda putem objava o radu suda, statističkih izvještaja i aktivnosti u sudu na web-stranici suda uz njeno redovito ažuriranje.**

**3.2. Izrada jednostavnih brošura za stranke-** opća obavještenja o pojedinim vrstama postupaka u sudu, pristupu sudu u sl., čiji sadržaj će biti objavljivan i web-stranici suda kao i dostupan u prijemnim prostorijama suda (najmanje 1 brošura godišnje).

#### 4. Analiza unutrašnjeg i vanjskog okruženja u kojem radi sud

SNAGE	SLABOSTI
<ul style="list-style-type: none"> <li>- dovoljan broj sudija i stručnih saradnika spremnih za promjene</li> <li>- postojeća sinergija predsjednika suda i predsjednika sudskih odjeljenja,</li> <li>- povećan obim saradnje sa resornim Ministarstvom pravosuđa HNK, federalnom geodetskom upravom u vezi projekata i rada zemljišnoknjižnog ureda,</li> <li>- saradnja sa Svjetskom bankom oko baza podataka registra pravnih osoba,</li> <li>- iskorištavanje potencijala u radu sa pripravnicima i volonterima suda,</li> <li>- redovne isplate plaće i naknada,</li> </ul>	<ul style="list-style-type: none"> <li>✓</li> <li>- preopterećenost sa zaostalim predmetima na izvršnom referatu, posebno u dijelu komunalnih predmeta,</li> <li>- nepostupanje pojedinih sudija po godišnjem planu rada,</li> <li>- nedostatak još jednog službenika za informacijske tehnologije,</li> <li>- veća iskorištenost IKT-opreme,</li> <li>- nejednaka obučenost NPF i zaposlenika u korištenju IKT tehnologije</li> </ul>
PRILIKE	PRIJETNJE
<ul style="list-style-type: none"> <li>- pomoć reformisanog VSTV-a BiH,</li> <li>- učešće u projektima, posebno onim koji imaju za cilj unapređenje postojeće zakonske regulative i unapređenja rada u sudovima,</li> <li>- uvođenje SOKOP sistema u radu po komunalnim izvršnim predmetima,</li> <li>- korištenje savremenih sredstava i medija za informisanje o radu suda</li> </ul>	<ul style="list-style-type: none"> <li>- odliv kadrova kako NPF tako i službenika i namještenika,</li> <li>- dugotrajne procedure imenovanja i zapošljavanja novog kadra,</li> <li>- kompleksan politički sistem u BiH,</li> <li>- epidemiološka situacija,</li> <li>- Komplikovani i neusklađeni zakonski propisi,</li> <li>- nedovoljna finasijska sredstva za razvojne aktivnosti, -</li> <li>- neusklađenost propisa različitih nivoa,</li> <li>- priliv predmeta veći od 20%</li> </ul>

Općinski sud u Mostaru ima dovoljan broj nositelja pravosudnih funkcija gdje se aktivno radi na daljoj edukaciji mlađih kadrova, te su poduzete velike aktivnosti na popunjavanju nedostajućeg kadra u sudskom osoblju.



Realizacija projekata koji se provode, dobra unutrašnja organizacija kao i saradnja sa nadležnim Ministarstvom pravosuđa, doprinose boljem radnom okruženju i postizanju dobrih rezultata.

U pravcu povećanja povjerenja javnosti u pravosuđe i građenju ugleda Općinskog suda u Mostaru unaprijedit će se otvorenost i dostupnost informacija kao i objavljivanje detaljnih statističkih podataka o rezultatima rada putem elektronskih medija, uz izradu jednostavnih brošura koje će biti dostupne strankama kao i na web stranici suda.

## B. Pregled strateških ciljeva suda

Poboljšanje efikasnosti i kvaliteta rada sudskih odjeljenja	Strateški plan VSTV-a	Budžet HNK/Ž	VSTV BiH
	Očekivani rezultati po godinama		
Pokazatelji za krajnje rezultate	2021	2022	2023
broj riješenih parničnih predmeta oznake P,Mal,Rs	90	180	270
Broj riješenih komunalnih predmeta oznake I-kom i Mal-Kom	2954	5880	8820

Unapređenje ljudskih i tehničkih kapaciteta suda	Strateški plan VSTV-a	Budžet HNK/Ž	VSTV BiH CEST F BIH
	Očekivani rezultati po godinama		
Pokazatelji za krajnje rezultate	2021	2022	2023
Održane obuke i edukacije za NPF i zaposlenike	1	2	3
broj novih računara i tehničke opreme	5	10	15



Transparentnost u radu suda kroz jačanje percepcije javnosti i promocije rada i uloge suda	Izveštaj Evropske komisije o pitanjima vladavine prava u BiH	Budžet HNK	VSTV BiH
Pokazatelji za krajnje rezultate	Očekivani rezultati po godinama		
	2021	2022	2023
Broj objava na web-stranici suda	15	20	25
urađene brošure za stranke i objavljene na web stranici	1	2	3

### C. Trogodišnji ciljevi i aktivnosti po strateškim ciljevima

		2021 (n)	2022 (n+1)	2023 (n+2)
Broj riješenih parničnih predmeta		90	180	270
Redni broj	Naziv aktivnosti za 2021. godinu	Rok izvršenja (po kvartalima u 2022. godini)		Nosilac (najmanji organizacioni dio)
1.	Analizirati starosnu strukturu i broj neriješenih parničnih predmeta	Godišnji		Parnično odjeljenje
2.	Analizirati raspodjelu predmeta po sudijama	Godišnji		Parnično odjeljenje
3.	Analizirati razloge pojave većeg broja parničnih predmeta	Godišnji		Parnično odjeljenje
4.	Izrada godišnjeg plana rješavanja predmeta	Godišnji		Parnično odjeljenje

		2021 (n)	2022 (n+1)	2023 (n+2)
Broj riješenih komunalnih predmeta		2954	5880	8820
Redni broj	Naziv aktivnosti za 2021. godinu	Rok izvršenja (po kvartalima u 2022. godini)		Nosilac (najmanji organizacioni dio)
1.	Analizirati starosnu strukturu i broj neriješenih komunalnih predmeta	Godišnji		Sudska odjeljenja







	sudskih odjela uraditi brošure za javnost		
3.	Kontinuirano objavljivati statističke podatke o radu suda na web stranici suda	Svaki kvartal	Web uredništvo suda

#### D. Godišnji plan rješavanja sudskih predmeta

Plan rješavanja predmeta u sudovima se izrađuje u skladu sa važećim Uputstvom za izradu planova rješavanja predmeta usvojenog od strane VSTV-a.

Broj: 058-0-Su-1143/21

